

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 06 (90) июнь 2009-шин / Кказит буккайссар зуруй цал / джумадуль-ахир 1430-шин. Багъа 15 къ.

БАРЧА БАВУ

Даража хъунмасса Раджаб барз



Рахіму-ціми хъунмасса Аллагъу Тааблаланал цанийну Ххирасса уссурвал ва ссурвал!
Дакініхтуну барча буллаи ура зу мубараксса Раджаб барз бучлаврищал. Зун къакулли, ттун буссар дуклувасса рамазан барз дахъва лахъху-цархъху къуртал хъусса кунма ва му къуртал хъуссар учиннин раджаб барз ялун бивунни. Му, аьр-щарай оьрму хъинну анаварну,

левххуну най бушиврул асарди. Оьрму, буниялттунгу, нех кунма анаварну най бур. Му неххал цингу оьлуркъусса, чапалсса ягу марцісса, лирціусса душиву жуятува хъархъанахъисса затри. Аллагъу Тааблаланал гъан дурсса, жунма итабавкъсса члумул мутта жува мунайн лабизлай, дакініхтуну эбадат дуллаи гъан бавугу жула ишри. Аьчухшиву, дакініхтунушиву жувур ххи дан Аллагънал биялар, мунияту жува дуаьрду дуллаи гъан лабизланну жулла дакІру марці дуккан дува, къаххуймуни бай-щун бува, буручча тий. Хаснува вай кІирисса гъантрай, Раджаб зуруй зума дугъаврил бусурман агъулданун барачат ххи бантиссар.

Дулуннав Аллагъу Тааблаланал жухъхунна гуж-къудрат, КІа рязи увансса, КІанал амрурду щаллу бувансса!

Дагъусттаннал бусурманнал РувхІанийсса идаралул председатель, муфтий АхІмад-хІажи АБДУЛАЕВ

ИХІСАН


Усттазтурал, машаихтурал, авлияьтурал ххирашивуртту

Аллагъу Тааблаланал хъхъичІра-хъхъичІ гъарца Ансантурал рухІру ляхъан дурну, яла Дуниязгу, Ахиратгу ляхъан дурссар, дакъин дурну, чІюлу дурну.

Яла Аллагъу Тааблаланал увкуссар ми рухІирттахъ: - «Зу зунна ччимур дурчІияра вай кІиннияту» - куну. Утти, зу ихтияр ларсуну махъ, зува Дуниязлийн бувккукун зунна дикІантиссар - куну. Яла ми рухІирдал куннил Дунияз ихтияр дурссар, куннил Ахират ихтияр дурссар. Куннилгу ми царагу ихтияр къадурну увкуссар, - «Жу Инава ихтияр увссара Аллагъ, жун Инава акъа цама къачру, Аллагъ» - куну. **А6**

МУБАРАКССА БАРЗРУ

Барачатсса Раджаб барз



Идавсил г хІадисраву бур: «КІулу бикіияра, Раджаб – му Аллагънал барзри. Раджаб зуруй ца кънирагу зума дургъусса инсанная Аллагъ рязийну икІантиссар».

Цамур хІадисраву тий бур: «Ххюра хъху дуссар дуаь къамул къадурну къаритайсса: Раджаб зурул цалчинмур хъху, Шаьбан зурул дянивсса хъху, ножмар къинилул хъху, кІирагу байрандалул хъхурду (Ураза Байрам ва Къурбан Байрам)».

Хаснура ххирамийну хънахъиссар Раджаб зурул цалчинмур хъху ва къини, 15 – чинмур хъху ва къини, 27 – чинмур хъху ва къини. Вай хъхурду ва къинирду хъинс-

сар – хъхурай эбадат дуллаи, хъху чанна дуллаи, къинирду зума дугълай тІайла дуккарча.

ХІадисраву тий бур: «Цуманал чанна дуврив Раджаб зурул цалчинмур хъху, ганал къюкі къадирчІантиссар, чурх бивкІусса члумал; Аллагънал ганал бакІравухчІин ганавун хъиншивуртту рутинтиссар. Ниттил увний куну, бунагирттава уккан тиссар. Арулцалазара Дуржагъравун багъантисса бунагъчитуран шафааьт бангу ихтияр дулунтиссар ганахъхун». Я Аллагъ! Ина жухъхун тавфикъ дула, вай Раджаб, Шаьбан, Рамазан барзру цил багъайкун тІайла буккан. Амин!

ДАКІНИЙН УТЛАЙ

Укунсса бивкІу – гъарцаннал мурадри!



«Къадирасул хІукму щун шагъидлъана багъадур» – укунсса шеьрилул ххуттардивасса ца хха бур Дагъусттан хІукуматрал муфтийнал хъиривчу КъурамухІаммад-хІажи Рамазановлуха чивчуну. Мунил тиссар, ва хъунасса аьлимчу шагъидну ивкІуссар Аллагънал ххуллий, Аллагънал хІукмулин бувну.

ЦІунилгу, Аллагънал хІукмулийн бувну, 2009-ку шинал 25 майрай ца ттигу дин чанна лахъан дуллалиманал ца абад хъуссар, цала цала оьрму Исламан машхул бувсса.

«Ганал мурад бия укун ивчІан» – ва хха цІунил ва цІунил тикрал буллаи бур, АьхІмад-хІажи Тагаевлул цала кулпатрал, муфтийнал хъиривчунаха, машгъурсса исламрал зузалаха.

Инсантал пикри бакъа хъачІру лахІан дуллаи бур: «Цукунни шайсса бивкІу чІа тІун?» Гайннан бувчІлай бакъар, мурад бивкІу бакъашиву, Аллагънащалсса хъунабакъаву душиву. Аллагънахлу жан харж дурма личІлачІиссар абадлий сагъну. Цири бувчІин бантисса, къаркъалттулвагу къимат бакъасса, аьрщарайва я хъанан ччиминнан? **А3**

Ва номерданий:

2	ЦИУССА ХАВАРДУ	4	ИСЛАМ ВА ЭЛМУ	5	ИСЛАМРАЛ ЭЛМУ	6	ШАРИАЬТ	7	ИХІСАН
	Жагъилсса аьлимтурал конкурс		Капитан Кустол Ислам къамул дурсса куц		Элмулул хІакъикъат		Шамулчинмур хъун бунагъ		"Адабул марзия"

ЦИУССА ХАВАРДУ

Генерал Махламмадтагьиров
бивтуну увтунни

Ас-Салам-фото

3-чинсса июндалий генерал Махламмадтагьиров «Марракеш» залданувун чансса хлаллайсса увкун ур. Ахттайнмай, ссят 1-нний хьатлигу барча бивну, даврийн ачин хладур хьуну ур...

Гьарца инсаннан, Аллагнал ккаккан дурсса ссят диру-кун, ганал хьирив Азраил-

малаик авцуну уссар. Ци банссар?

Следственный комитетрал тлутимунийн бивну, Адильгерей Махламмадтагьиров ва Абдуразакаь Абакаров миннал кьуллугьрал даву багьана хьуну ливтуну бур. Цаппара бур му даву миннашала зузисса, миннайн кьаршисса инсантуралгу дан бюхьай тий.

Жу оьвчаву дуллай буру мизитирттал имамтурайн, уссур-ваврайн ва ссурваврайн, Исламрал элмурду лахьлахьисса жагьилтурайн. Мухламмад Идавсил (с.а.с.) мукьцалва гьантлул мутталай гьарца кюрххицун чаклий дуккайсса диркун дур дуаь «Аль-Кьунут» («Магьдина»), цала душмантал бух бансса нийятгу дурну. Миннат буллай буру, Идавсил (с.а.с.) суннатрайн бивну, ва дуаь мукьцалва гьантлий гьарца кюрххицун чаклий дуккайра, Исламрал душмантал бух хьуннав, миннаша Дагьусттаннан зарал биян бан кьахьуннав тий, нийятгу дурну. Амин!

Тивтгусса майданни мажлис

Июнь зурул 13-нний Казбековский райондалул Дылым тисса шьраву хьунни гьарца шинах байсса мажлис. Ва мажлис бур шьраваллил аьдатравун багьну даиман буллай. Мажлисраву гьуртту хьунни

щалагу Дагьусттаннаясса хьамал. Мажлисрай буллай бия ваьзарду, дуклай бия мавлудру, мукунма лачлун буккавил, пут-чару личаврил, ттуплий буккавил бьаст-ччаллугу бачин бивну бия.

"Ас-салам" кказитрал кьини

Апрель зуруй Бабаюртул райондалийсса Кубиял кьутандалий (Львовский №3) Ас-салам кказитран хас бивсса мажлис хьунни. Мажлис тивтунни шьраваллил имам Мухламмадрашид-Хлажинал. Мизитравун бавтминнал хьхьичи ваьзанасихлат бан бивкун бия: Лакрал ва Ккуллал райондайсса «Ас-салам» кказитрал вакил – Массуев Аьлиасхлал, Новостройрал имам – Махламмадов Хласан, Бабаюртул райондалийсса «Ас-салам» кказитрал вакил – Ахлмад-хлажи ва чларавсса шьраваллил имамтал. Махлачьалаливсса лакрал мадрасалул мутаальмитал мавлудру дуклай бия. Умуд бур укунсса мажлисру



лакрал шьраваллаву чявуну булланссар тисса.

ДАГЬУСТАННАЙ

Жагьилсса
аьлимтурал конкурс

Аллагу Тааьланан ххирассар элмулул хьирив багьмий, миннал даражагу лахьссар. Дагьусттаннай Исламрал элму машгьур давриву хьуннаса даву дачин дурну дур Хасавюртрайсса Саитбег Даитовлул цанийсса Исламский университетрал.



Ас-Салам-фото

Шикку гьарца шинал дувай конкурс Ислам ххуйну клулмий ялун личин буллалисса. Вай гьантрайгу хьунни чак баврил ва Кьурьан буккавил конкурс. Конкурс цукун дантиссарив чьянива баян бивну бивкиссар. Конкурсрай гьуртту хьуминнал кьимат бихьлахьиссар хлурмат лавайсса аьлимтурал в миннал бивхьусса кьиматрай рязий акьасса цуцлав кьаиклай. Конкурсрай буслай, университетрал проректор Ахлмад-хлажи Исаев тий ур: «Вания тихунмай конкурс данну

цинявгу Аьрасатнал мусульмантурал даянвесса конкурсну. Му хьуннасса захиматсса даву хьанай дур. Аьркинну бур цинявпа документру цунуца чичин, конкурсрайн бухьхьяира тисса чагьарду гьан бан, личи-личисса мазгьабирттал чулухасса инсантурайн оьвчин».

Гьашинусса конкурсраву буссия тамансса аьлимтал чачаннавабуккисса. Ваконкурсрай цалчинмур клану бивгьунни Дагьусттаннал Исламрал унивеситет (ш. Махлачьала)

Чявуми иблайн клива рахлматрая махлрумну ливчлссар: цуллу-сагьшиврия ва илкинсса члумуя.

кьуртал бивсса Мухламмадов Мухламмадлул. Ва оьрчан тлайлану лайкь бивну бур цалчинмур клану. Ва ур цала члумух кьаурувгун Аллагу чятува рязий уллай, Исламрал элмурду лахьлай. Мунинни хьхьичлгу, Мухламмадлул цалчинмур клану бивгьуну бур Кьазаннай хьусса аьраб маз ххуйну клулминнал даянвусса конкурсрай. Конкурсрай ххув хьуну цанма буллусса приз – автомобиль «Приора» ванал пишкаш бивну бур цала унивеситетран. Конкурсрай кллчинмур клану бивгьуну бур Шамиль Абубакаровлул ва Абдурахлман Якьубовлул. Клягу Ашарил цанийсса институтрал студенттал.

Кьурьан буккавилу цалчинмур клану бивгьунни Ибрагим ражабовлул (мадраса ш. Губден), кллчинмур – Хласан Давудовлул (Абубакаровлул цанийсса институт), шамулчинмур – Гьазимухлмадов Джабраиллул (мадраса ш. Лаваци).

Чак бавриву цалчинмур клану бивгьунни Абдулла Мухлиддиновлул (ш. Тлох), кллчинмур – Хлажимурад Оьмархлажиевлул ва шамулчинмур – Узайр Хлизбуллаевлул (клягу ш. Муни).

АССАЛАМ ККАЗИТРАН 15 ШИН

Ассаламу аьлайкум, хлурмат бусса кказитрал зузалт!

Дакнихтунузу барча буллаура «Ас-салам» кказитран 15 шин хьусса шадлугьраш.

Зул кказитрайчлн жун, жула диндалия, дин дачин дуллай бивкминная клул шай, яляла жува ляхьан Бувманая ва Кланал гьан увсса Идавс Мухламмадлуя (с.а.с.).

Ас-салам хьанай бур клулшиврул, хьиншиврул, ххаришиврул щаращи. Жула кьатравун элмулул кьулла буклай бур. Му хьанай бур Аллагнал жунма гьан бивсса рахлму ва цимий. Ас-салам кказитрал Аьрасатнавусса циняв мусульмантал чачлун буллай бур.

Ттуятува тлурча, на иклайссара кказит бучаннин ялугьлай ссавур духларгун. Ттун ва хьанай бур, авлахьрайн агьну мякьсса инсаннан щинал ххув кунмасса асар бия буллалисса кказит. Номердания номерданин кказит ххуй хьанай бур. Ас-саламраву журналистнал ляхьан бивсса цичлав бакьар. Ваниву бур хлакьмур, жагьилминнангу хьуниминнангу аьркинсса.

Хладис бур: «Цума увкрив Аллагу клул уллайсса ххуллин, мунан биклантиссар Алжан». (Муслим).

Кказит чичаймигу хьинну за клулсса,

элмулухун багьсса инсантал бушиву члалай бур. Зун цуллушиву дулуннав.

Ас-салам кказитрал буккулт ва дустал чяву хьанай бур. Барчаллагьрай ура зу хьуннасса Исламрал шейхная – Саид-Афандиная бусайнутий. Га ур жунна Ислам ва Шариает лахьхьин дуллай. Хлакьинусса кьини зул кказит хьанай бур Дагьусттаннаясса Исламрал дагьани. Зу буллалимунил багьа бищун кьахьунссар. Ва захиматсса дунияллий зу буру инсантал паракьат буллай, цанная чаниайн буллай, ххуймунийн клунку буллай. Хьунмасса барчаллагь. Аллагнал кумаг баннав. Амин!

Эса ХЛАСАНОВ

Хлурмат бусса буккулт!

Зуцагу бюхьанссар «Ассаламран 15-ра шин» – рубрикалийн чичин кказитраясса зула пикри, зумма учин ччимур, кказитрансса насихлат.

Чагьарданиву чичара зуятува, дихьара сурат.

Кказитрал редакция

ДАКІНИЙН УТЛАЙ

Укунсса бивкүлү – гьарцаннал мурадри!

1V Дагъусттаннал бусурманнал рувханийсса идаралул канонический отдел 1990-ку шиннардий бусурманнал дин утгара дуккан дуллай захматсса члунугу ккарксса, дачла хьунни. Инсантал биял кьахъанай бия, техника диял кьахъанай дия. Гиву акъар Кьурамухлалмад-хлалжи Рамазанов, акъар Абуумуслим Губдалан, утти жува личи хьунну Ахлалмад-хлалжи Тагаевлуцалгу. Иншааллагъ, гай циняв цачлун хьуссар тлайламиннал рухлур диклайсса кланай, Иллионналий, ккарккуссар Алжаннул ахьулсри, бивссар Алжаннуну ва куннащал ку хьуна бавкьуну ххари хьуссар.

Тагаев Ахлалмад-хлалжи хларачатбуллай акъая цала аьрцарайсса оьрму бигъа буван. Ца члумал га увкьуну идаралийн цлужисса ччанашал, ачин кьахъанай, аьсаврайн агълай. Ганахъ цлужхукун:

«Винния занан захматну бур, ина шава циван кьаавцра?» - куну, Ахлалмад-хлалжинал жаваб дуллуну дур: «Цичлав бакъар, Тийх бигъану биклантиссар, шикку даву анаварну дур» - куну. Жува барану хьунну, Аллагънал ганал нийят кьамул дуршиврий.

Тагаевлул дачин дурну дия Аьбдулла Аьлишаевлул дайдирухьусса даву. Члявуссаннал зумух ласун ччай бакъая школалий оьрчлахъ ва душварахъ дарсру личину дишаврия, му хлукумутрал кьанунни, агарда «рувханийсса» даврий зузими хлала буххарча хлукуматран «хасъсса» масъаларттавахъ, хлукуматрал кьабитантиссар тлий. Цуппагу, дарсру оьрчлахъ ва душварахъ личи-личийну дихълахъаву хьунмурчин хьинну бясливун багъсса масъала бур. Дакінийн бутанну жува дуклай бивкьсса школардаву чара бакъа ца парталух оьрчл ва

душ щябитлай бивкьсса, гай кивагу, ихтилалитрттаву цанная-ца нач кьахъананшиврул. Нач-хлала мукссагу мукун духларгун дур, ца-цавайннан зуна баву, хъанай бур «хлалжатханттувун лагавриха» лавхъхьуну.

Цавайннан хьинну аьркинну бур араптуннал ва хъаннил ара укунмасса масъалану буну, цичлав бакъасса кунма бур, яла оьрчл бай кьатлуву клиранна-мукьра килорайсса оьрчл увну кьаитлай бур. Муксса хьунману члалай бакъар бунагъ. Амма га бунагъ оьрчл бай кьатлуву гьарца кьини хьун хъанай буссар ацлийну, кьулийну, зувиллийсса. Вана укун, оьрчл хладурссар ччимур "чувшиврийн".

Ччай бурув оьттулучув? Вана зун оьттулучув! Ччай бурув наркодиллер? Иклантиссар! Зунна ци аьркинну дурив, так тлалав дувара.

ХІААМС

ОААЕЊ

бусурманчунан гаманал оьрмугу, хлурматгу, хьускьинигу мюхчанну диклан аьркинссар.

Ахлалмад Тагаевлул ва Аьбдулла Аьлишаевлул мурад бия оьрчлру ва душру личи-личину хьуни хъанай, гайннал дянив хлурмат буну, жагьил ва душ куннащал ку так исламрал кьакан бувсса куццуй гьалгъа тлий, оьрчлру тлурча ниттил ва буттал тарбия буллай. Аллагънайн барчаллагъ, гайннан мукун ччай бивкьсса, жува цинявгу му мурадрай буру ва Аллагънахъ миннат буллай буру ва мурад хлалкьсса бусурмантурангу щаллу бува тлий. Жува гьарцанналгу мурадри укун ивчлаву, Аллагънал диндалий барашинна дуллай, Тавхлалдрай – Аллагъ ца ушиврий барашинна дуллай.

Ахлалмад-хлалжи Тагаев: «На ттула оьрму Исламран хас буллай ура»

Майрал 25-нний маркчаланмай Дагъусттаннал бусурмантурал ялун бивунни хьунмасса бала. Цала кьатрал дарвазалул хьхьичл Махлалчъалалив, учхозрал райондалий бивтуну увтунни диндалул аьлимчув Ахлалмад-хлалжи Тагаев.

Хьхьунил 22:30 сьятраву Ахлалмад-хлалжи цала шавай ивсса члумал, клул бакъасса инсантурал ганачлан гьан хьуну бивтуну увтун ур. Му иш ххал хьуну бур члахурангу, амма гайннащагу кумаг бан кьавхьуну бур. Ахлалмад-хлалжи ивкьлума бакъа хьуну бур.

Ахлалмад-хлалжи увну ур 1948-кушинал Гумбетуллал райондалий Кьилитль тисса шьраву. Хьуна хьуну ур, 30 шинай шьраваллил имамну ивкьсса, аьлимчу – динчинал кулпатраву. Диндалул элму дакъасса, Ахлалмад-хлалжинал дурккуну дур медициналул элмугу, зий ивкьлун ур духтурну Хасавюртуллал райондалий. 1992-ку шинал, цала бусласаврийн бувну,

Ахлалмадхлалжи «хьуниминнал увкумур бувну» зий ивкьлун ур Дагъусттаннал бусурманнал рувханийсса идаралий.

Сайидмухлалмад-хлалжи ивкьлуну мукъах, цлусса муфтий увчаврин хас бувсса батлаврий Ахлалмад-хлалжи Тагаевлул увкуну бур: «На, рувханийсса идаралул зузала, махъ буллай ура нава чув ухьурчагу, нава Аллагънал дуняллий цими гьантлий ивтурив, ттула щала оьрму на хас буллай ура Исламран. Гьарца инсан хьуннав укун, ва ишираву хьачрайн – хьачину сукку тисса, щищачлав кьахьунтиссар ахчин Ислам гьаз давриву»

Тагаевлул инсантуращал хьинну бигъану маз лякьайва. Му бавхлуну бур мунал духтурнал пишалуцал. Ганаща бигъану бюхъайва ихтилал бачин бан, инсантурах вичли дишин клулну бия.

Махъсса шиннардий га чялишну гьуртту хъанай ия обществолул давурттавахъ, хаснува «За нравственность» тисса движениялул каялувшиву дуллай ия.

«Жула жамааьтрал кьашавайшиву хьин дан хьунтиссар так исламрал хасиятрайн ва тлабааьтрайн бучлаврийнуу», увкуну бур Тагаевлул.

Хладисраву бувсуну бур: «Марцшиву – диндалул дачири». Чапалсса клунтлиягу бушкьаправусса щин чапал дайссар ва гай щинай чаклин иссун кьабучиссар. Дакл марцл даншиврул, цурдагу исламрал гьанулийну дакъа кьабюхъайсса, чара бакъа аьркинссар Исламрал марцшиву».

Ганал члявуну учайва, Рувханийсса идаралулцалчинсса масъалану хъанакъиссар Исламдин асхлалтурал (р.ав.) заманнай кунна дуруччаву.

Аьбдулла Аьлишаев ивкьлуну мукъах, му школардай оьрчлахъ ва душварахъ личину дарс дишаврил масъала чялишну хьхьичл бихълай ивкьссар, Ахлалмад-хлалжинал эстафета кьамул бувну хьхьичлунмай бачин бувну бия га байбивхьусса масъала. Ласунтиссарив га щил бунугу хьиривманал?..

Га ивчлаву – халкьуннавун нигъ рутансса даву дур, диндалул душмантурал Аллагънал диндалийн кьаршину дачин дурсса.

Дагъусттаннал муфтий Ахлалмад-хлалжи Аьбдуллаевлул Кьурамухлалмад-



хлалжи Рамазанов ивкьлуну махъ увкусса махъру дакінийн багълай бур: «Исламрал душмантал цанниву бьайкьунни, ца адамина ивчлан бюхъанссар, иманнив бат дан кьахьунтиссар.

Идавсил (с.ав.с.) жунна пишкаш дурсса дин-Ислам диркьссар Сайидмухлалмад-хлалжи ляхъаннингу, Кьурамухлалмад-хлалжи ляхъаннингу, мий ливтлуну махъгу му дин хьиннува лябукку буну хьхьичлуннай дачинтиссар».

Аьлимтуран хьинбала баву

Ца аьлим най ивкьлун ур авлахърайх, ганан хьуна бавкьуну ур аваданчув ва ганал кьазахъ чай бурттий нанисса. Ахътта нанисса аьлимчув кьавккун, аваданчувнал куну бур кьазахънахъ: «Ливккун чая, аьлимув щяйти» - куну. Му хьхьуну аваданчунан ккарккун дур макл – Кьиямасса Кьини, Сиратл-Ламу, ганийх нанисса инсантал, цувагу га ламуйх хьинну увххуну, захматну

най. Кьавккун ур аьлимчувгу цала муридталгу цувагу дучрай бурттий нанисса. Микку аьлимнал цала муриднайнамрубувну бур, га аваданчув чай щяйти, куну. Чантл увкуну махъ, аваданчув лавгун ур аьлимначлан, укунсса макл ккарккуннихха, ванил маьна цири, тлий. Аьлимчувнал куну бур: «Ина жун кумаг бувсса кунма, жугу вин кумаг барду. Ина мунир хьунмасса кумаг бувну бивкьссания, жугу вин хьиннува хьунмасса кумаг бантиссия».

Ххуйсса ва оьккисса аьмаллу

Хлалкьну, Кьиямасса Кьини Иман дума гьаттава ивзукун, ганачлан гьан хьунтиссар цирив ца хьинну ххуйсса кьанкь дусса зад. Ганил цлуххинтиссар: «Вин на кьакьуллив?» - куну. Ганал учинтиссар: «Кьакьуллив» - куну. Ганал учинтиссар: «Сагъний ина дуллай ивкьсса ххуйсса давурттивра на. Щяиклу ттуй,

ина сагъний, на вий щяивкьлун ивкьссара» - куну.

Иман дакъама гьаттава гьаз хьукун ганачлан гьан хьунтиссар цирив ца хьинну оьккисса кьанкь дусса зад ва цлуххинтиссар: «Вин на кьакьуллив?» Ганал учинтиссар: «Кьакьуллив» - куну. Ганал учинтиссар: «Ина дуллай ивкьсса оьккисса давурттивра на. Сагъний ина ттуй щяивкьлун ивкьссара, утти на вий щяиклантиссара».

ИСЛАМ ВА ЭЛМУ

Капитан Кустол Ислам къамул дурсса куц

Францияну Ислам-дин къамул дуллай бур чявусса инсантурал. Ислам къамул дурмий яла-яла чявусса бур личи-личийсса элмурдаву хъхичлунмай ливчусса, хъунисса давуртту дуллалисса инсантураву.


Хач-параснал дин къаритун, Ислам къамул дурмий бур ттурш азаранная ливчусса. Ва иш укун бушиву тасттикь бунни Парижулла Архиепископнал – франциянал католиктурал килсалул Рувханийсса хъунаманал. Ислам къамул дурминнаву чявусса бусса бур зузалт бакъасса, тамансса хукуматрал къулугъчийтал ва мукумна ца дурксса аьлимталгу.

Дунияллий машгъурсса франциянал аьлимчу-океанограф, куртисса океаннал ва хъхирдал хъирив лаявуртту дуллалисса, акваланг ляхъан дурсса, тамансса луттирду чивчусса Жак Ив Кусто цинявннан кълли. Мунал чярусса шиннардий захмат буну дуллай ивкисса давуртта Къуръандалу чивчуну бивкшиву клул хъусса чумал Исламгу къамул дурссар, бусурманчуну ивкиссар. Жак Ив Кустонал куссар: «Ислам дурчлаву цала оьрмулува яла ххуймур хлукмуну хушиву».

Гибралтарский проливрал шинну ххал дуллай Жак Ив Кустонал асар хъуну дур аьжаивсса элмулуца дурчин

дан къабюхъайсса хикматшиву – цимийрагу азардахул шиннардил муталлий цачлу дунура Атлантический океаннул ва Средиземное хъхирил цинну хлала къадухлай диркун дур. Миннул гъелишиву, цлу бушиву, цинавусса рухл думур, уртту ва м. ц., гъарзад личи-личийсса диркун дур.

Кусто буслай ур: «1962-ку шинал немецнал ученыйтурал клул бувссар Баб-эль-Мандебский проливраву Адениский проливрал, Красное морелул Индийский океандалул цинну цачлун хъанай душиву, амма мий хлала духлай дакъашиву. Миннах бурувгун, жугу клул буллан бивктуру Атлантический океандалул ва Средиземное морелул цинну хлала духлай дурив ягу дакъарив. Жу цал ххал дуллан бивктуру Средиземное морелул цин – гай ссаяту сакин хъуну дурив, гайннуву циксса цлу ва цаймигу личи-личийсса минераллу бурив, гиву сагъсса рухтуру дурив, ялагу цукунсса затру дурив. Мура му даву жу Атлантический океандалул цинашалгу дуварду. Вай клирагу цин хъунадакълай дур Гибралтар проливраву цимирагу азардахул шиннардий. Гай цинну танийра куннивух ку хлала хъуну ца ццуншиврийн (плотность), цийл асар бушиврийн дуркун диклан аьркини. Мий цинну диклан аьркини лархъуссарагу. Амма мий куннийн-ку ларсса кланттайрагу миннул цичла дакъар цакусса, гъарзад дур цанна-цианна хасъсса. Цайми мукъурттийну, мийнул дянив дур цинал пардав, гай хлала духан къадитлатисса. Ва



иш укун бусса клул хъувкун, аьлимчув махлаттал хъуну ур. «На хъунмасса хлаллай нара тиртлусса, физикалул ва химиялул къануннан мюти къашайсса хикматшивура пахрулий уссияв», – чичлай ур Кусто.

Га хъиннува махлаттал хъуну ур, гай гъарца зад Къуръандалува 1400 шинал хъхичи чивчуну бусса, Ислам къамул дурсса доктор Морис Бюкайлуя клулхукун. «На ганахъ нара тиртлусса хикматрава бувсукун, ганал ттухъ му 1400 шинал хъхичи Къуръандалува чивчуну буссар куна. Ттун ганал бувсмур пияй-пияй тисса ссавния лачлачисса чывхъа-гъарал кунма чалай бия. Мийжаннугу гъарзад Къуръандалий чивчуну бия. Микку на учав: «Хъа буллай ура ва Къуръан, тти заманнул элму 1400 шинал махъун дуртусса, инсаннал ихтилат биклан къабюхъайссар. Ва бур хлакъсса Аллагнал ихтилат». Муния махъ на къамул дав Ислам. На гъарца къини муктуру хъанай ура ва диндалул тайлашиврий, бигъашиврий ва мюнпатшиврий. На дазу дакъа Аллагнайн цукрулий ура ттул яру хлакъмунийн тивтуну тий.

Таржума Гъумаюннул

Компьютерданул барашиву дунни:

Мухаммад Идавс г инсантураву яла бюхттулма яла халлилма ивкшиву



Американал ученый ва чичу Майкл Хартлул хлукму буну бур, инсантурал тарихрава ттурша яла ххаллилмий инсан увчуну, миннаятуса лу сакин бан, кадру лавайманал ца цинявннай хъхичи дихълай. Шилчлава тарап къадугъаншиврул, Хартлул

ва ганал кумагчитурал компьютер ишла буну бур. Компьютерданул программалува бивхуну бур гъарца инсанная клулмур, гайннал гъунарду, гайнналинсантуран бувмур, гайннал кадру-къимат, хъхичлуншивуртту, гайннал инсантурал тарихрайн биян бувсса асар. Му даву дуллай бивкун бур цимивагу зуруй.

Компьютерданул хъирив лавну, ккаккан дурну дур турша, тарихраву аьш-бакл къариртсса инсанал ца. Ялагу гай ттуршуннава компьютерданун увчин багълай бивкун бур ца яла ххуйма. Хартлул къюк гъалакуну ришлай диркун дур компьютерданул кнопкалий кисса бизайний.

Компьютерданул экрандалул ккаккан дурну дур ца «Мухаммад Идавс г». Му ца ккаккайху Хартлуин ва ганал кумагчитурайн хлал бивну бур. Гай вих хъуну бакъар, эксперимент цлуница даву тлалав дуллан

бивкун бур, чу-дунугу, машиналул тайладакъашиву ита даркъухъунссар, тий. Цлуница хъиннува личилуну ххал буллан бивкун бур гъарцанная клулмур. Ялагу компьютерданул ккаккан дурну дур ца – «Мухаммад идавс г».

Тарапшиву дакъа, хъирив лавну, ученыйтуран муктуру хъун багъну бур, жула ххирасса Мухаммад г ушиврий циняв инсантураву яла хъхичлунма, яла ххаллилма.

Му даву дурну махъ, Майкл Хартлул чивчуну бур «100 инсан тарихраву» - тисса лу. Му луттираву цалчинмур кланттай уссар Мухаммад Идавс г. цуппагу ита бавкун бур Америкавану. Миву шамулчинмур ца Эса идавсил дур.

Кла луттираву бур: «...Кла (Мухаммад г) ивкун ур инсантурал тарихраву цувалусса инсан, диндалува биклу, дуняллул иширттаву биклу цинявннай, хъунисса хъхичлуншивуртту дурсса.

...Утти, га дуняллия лавгун 14-ра туршуку лавгуну махъгу, ва инсаннал шалагу дуняллийн биян булалисса асар хъинну хъунмасса бур».

Таржума Гъумаюннул

ХИАМИС

Элму лахълай
каши дунура
лахълай къаивкима,
Къиямасса Къини
цинявннайругу
хъинну пашман
хъанантиссар.

СУФИЙТУРАЛ ХАВАРДУ

Дунияллий хъанахъимунил къюлтшивуртту

Муса г идавсил «Тура Синай» зунтту Аллагънашал гъалгъа тиний, таваккул буну бур: «Я Аллагъ, ттун Вила тайлашиву ва Вила тайлаасса диван байшиву чалачли дува».

Аллагнал мунахъ увкуну бур: «Я Муса г, чумартсса ва буняласса унува, вицагума къахъунтиссар ссавур дуван». Мусал жаваб дуллуну дур: «Вил кумаграйну ттуца хъунссар». Аллагнал увкуну бур: «Насу пулансса царашуцлан, лаиклу ганил чларав ва уруглагу Ттул Бюхъулугу, Ттул ххазинасса Аькълулугу». Муса лавгун, лавхуну ур баклун ва лаивкуну ур гикку. Цакуну увкун ур бурттигъу, ливкуну ур чаяту, ивссуну ур чаклийн царашуцисса цинай ва гичча хларчуну дур цин. Яла ганал бувккуну бур чулуха киса, циву азарва динар бусса, га цала чларав бивхуну бур; буну бур чак, яла лавхуну ур чайн, кисагу хъама бивтуну лавгуну ур гичча. Ганал хъирив ца оьрч увкуну ур, хларчуну дур цин, лавсуну га кисагу лавгуну ур гичча.

Яла увкуну ур мурчисса къужа, цала мякъгу лиххан буну чаклингу ивссуну, айивхуну ур чак буллай. Микку бурттигъунан дакнин багъну бур киса, ва зана хъуну ур царашуцлан, гикку мурчи къужа ххал хъукун, тлалав буну бур: «Ттуца микку киса ливчунни, азарва динар циву бусса, ина акъа шиккун цуцлава къаувкунни». «На мурчисса ура, цукунни ттун ххал хъун бюхъайсса вил киса?» - увкуна къужлул. Бурттигъунан сси бивзуну бур, дурккун цала тур, риршуну къужлул ивчлан увну ур, амма къалявкуну бур цала киса.

Мусал увкуну бур: «Я Аллагъ, тти ссавур дансса гуж бакъар, Инагу Тайлама ура, бувчин ба ттун шикку ци хъанахъиссарив?» Ливкуну Жабраил малаик, увкуну бур: «Аллагнал вихъ тий ур: «Ттун члалачиссар къюлтмур, клулссар аьлашатшивуртту, вин къакулмургу клулссар! Га киса лавсусса оьрчал ларсуну дур цанна дагъаймур: га оьрчал ппу зий ивкун ур га бурттигъуначла ва ганан булун багълай бивкун бур кислува буссаксса багъа. Ганал къабуллуну бур аьркинссаксса багъа, оьрчал ппугу ивкуну ур, утти ганал кланай, ганал арснал ларсуну дур арцу.

Га къужлул, мурчи хъуннин, ивкуну ур га бурттигъунал ппу. Утти ганалгу къисас лавсуну бур ва кланнамагу бакъай хъуну бур. Жула Тайлашиву ва диван баву тайлаасса дур, винма члалачисса куццуй». Муса, гай цимурца бувчлукун, хлайран хъуну, Аллагънахъ ялтту учлу куну, таваккул буну бур.

ИСЛАМРАЛ ЭЛМУ

Элмулул хІакъикъат

Элму чайсса, къаклулсса зад кІул шаврийнни. Мий кІул шавугу я Аллагънал файзрайну, илгъамдалийну, инсаннал дакІнийн дуртІуну кІул хъусса дикІанссар, я инсаннал цала ижтигъадрайну тІалав дуллай кІул хъусса дикІанссар.

Утти му элмугу кІира куццуйсса дуссар: Фарзу аьйн, фарзу кифаят. Фарзу аьйинни - балугъ хъусса, аькълу бусса, кІулши дусса инсаннал, адамина икІу, щарсса дикІу кІул къадурну чара бакъасса, кІул дан ялувсса задру. Мигу цири чирча, ца Цуванусса, цимурцанний къудрат дусса, цувагу ляхъан увну, цанма неъматгу буллусса Аллагъ ушиву кІул даву, Мунал ссипатру кІул даву. Яла миннул хъирив Мунал халкъунначІан, диндалул хІукмурду кІул бан тІайла увксса МухІаммад Идавс г, кІул шаву. Мунайн Аллагънал Къуръан ликкан бувшиву кІулшаву. Мунал Шариаетгу тІайласса бушиву кІулшиву. Дин, Ислам хІакъшиву кІулшиву, яла малаиктал бушиву, идавстал тІайла бувшиву, луттирду, улттив ливкшиву кІулшиву.

Аллагъ акъацири циняв халкъ, гъар куллу-шайъ ляхъан дуршиву кІулшиву, хъьичІара зад къадиркІун. Миннуву Аьрш-Курс ЛавхІ, Къалам, Исапиллул сур, Алжан, Дуржагъ, миннуву думургу рухІругу махъ личІан, фаная къахъун (дйікъакъын) ляхъан дуршиву кІулшиву. Ялами куллу-шайъ паная хъуншиву кІулшиву. Цимур-ца рухІ дусса зад литІунгу баншиву, бизангу баншиву, кІулшиву. Мункар-Накирнал суал байшиву, гъаттал аьзаб дикІайшиву, хІисаб, СсиратІ, суал, Мизан, Къияматсса Къини дикІантІиву, Аьрасайрал атив бацІантІиву, Алжан-Дуржагъ, хІавз, шафаает хІакъшиву, кІулшиву. Гъарца халкъуннавун багъайсса къадар хъинсса бикІу, оьсса бикІу, хайр бусса бикІу, зарал бусса бикІу Аллагънал къазаьрайну, къудратрайну бикІайшиву кІулшиву.

Идавсил зумату бавсса Къияматсса Къини диваврил аьламатру, Даджал уккаву, даббатул арз буккаву, баргъ магъриблия буккаву, Ися ликкаву, Магъди уккаву, Даджал ивчІаву, миннун лархъхъусса цайми аьламатру дикІантІиву, кІулшиву. Яла Иман - Ислам кІул даву, гъарца чаклийн иссаврил, тІагъарат баврил, чак личІаврил, гъуслу баврил, таяммум баврил, зумалул, закятрал, хІажрал рукнурду, шартІру, адабру кІул даву, гъарца хІалалмур, хІараммур, фаризамур, суннатмур, бунагъ бумур, чири шаймур, хайр бумур, зарал шаймур кІул баву, хъинминнан хъинсса Алжан, оьминнан оьсса Дуржагъ бикІантІиву, кІулшиву. Вай задру кІул дурну, къакІулмургу кІулнаяту лархъхъуну икІан ялувссар гъарманай. Паризасса элму вари.

«Элму лахъхъаву бусурманчуннан ва мусульмансса хъамитайпалун паризассар». Идавсил хІадис.

Фарзу-кипаяр шяраву цаннан, кІиннан, шамуннан кІулну бикІан ялувсса задру. Мигу цири чирча - Къуръан

«Элмулух зу луглагіяра Китайнавун гъан багъарчангумали».

Идавсил хІадис

лахъхъаву, элму дуккаву, аьраб лугъат лахъхъаву, чичин буккин лахъхъаву, акбар учин лахъхъаву, жамаает бан лахъхъаву, хІукму бан лахъхъаву, Шариает бан лахъхъаву, бутІа бачІин лахъхъаву, ивкІума учин лахъхъаву, магъарбишин лахъхъаву, цІарутанлахъхъаву, къашайнан дару бан лахъхъаву, щаву дахІин лахъхъаву, саняаетру, пишарду, касбурду лахъхъаву. Миннун лавхъхъусса цайми-цайми Дунияллий халкъуннавун багъайсса, миннан маслихІатсса, кІул бакъа ялапар къашайсса задру кІул бан ялувссар. Мукунсса задру шяраву цаннан, кІиннанмагу кІулну бикІан ялувссар. Миннан кІул хъурчан, махъми цинявпа бунагърала буккайссар.

Цаннанмагу къакІулхъурчан - циняв бунагъралун багъайссар.

ХІАМІС

ДукъарккумІна
дъниву элму
лахъхъин хІарачат
буллалима
ливтІуминнавусса
уттаваманаха
лавхъхъуссар.

ХІИКАЯТ

Кабул-АхІбардул увкуссар: ХІакънугу Аллагънал цала лагънаяту хІисав ласайссар.

Ганал ххуйдакъасса тІуллу ххуйминнир чІяру хъувкун, га Дуржагъравун утан амру байссар. Га ДуржагърачІан увцусса чІумал, Аллагънал Жабраил малаикнахъ учайссар: «Ттул лагъначІан лавгун ганахъ цІуххи: Дунияллий аьлимтурал мажлисрай щяивкІссарив, на мийннал хІурматрахІуну му багъишла итаншиврул». Жабраиллул цІувххукун, ганал къащяивкІра, учинтІссар. Аллагънал ялагу цІуххинтІссар: «Ганан аьлимчув ххирассияв?» - куну. Аьлимчувгу ххирану къалявкъукун, Аллагънал цІуххинтІссар: «Аьлимчувнашал супралух щяивкІссарив?» - куну. Мукунгу къалявкъукун, Аллагънал цІуххинтІссар: «Аьлимчув яхъанай ивкІсса къатраву яхъанай ивкІссарив?» - куну. Мукунгу къалявкъуну, Аллагънал цІуххинтІссар: «Ганал ца аьлимчувнал цаниха лархъхъусса дурив, ганал насаб аьлимчувнал насабрачІан диллай дурив?» БусантІссар дакъашиву. Аллагънал учинтІссар: «Ганан аьлимчув ххирасса адамина ххирасса урив?» - куну. Ххирасса ур учинтІссар. Аллагъналгу Жабраил-малаикнахъ учинтІссар: «Ка дургъуну Алжаннавун акъи утти, На мунил цІаний га багъишла итлай ура» - куну.

ИСЛАМ ВА МЯЪРИПАТ

Патимат ХІАМЗАТОВА

Дайдихъу хъьичІми номердай

Вирд

Тарикъатрал къуллугъ байссар Шариаетраха, чІюлу дайссар га, ялунгу щаллу дайссар.

ЧІявуссаннал цІуххай вирд му цири куну?

Вирд – шейхнал цала муридтурахъхъун шарда дуккин дулайсса давур. Ва лу канил бувгъуминнай на, шейхначІан лавгун вирд ласияра тІий, оьвтІий бакъара. Циван? СсахІуну?

Вирд – талихІ буминнал давури. Зун та бавссар инсантурал тарихраву, дунияллийсса циняв цал архІал талихІрайн бивсса чІун диркІшиву? Мунийн бувну, талихІ лякъин ччиминнал, Аллагъу Тааьлалан дунияллийгу ахиратравугу ххаришиву дуллуминнал дуккича. Алжаннул мйра зиву (къат) дусса кунна, Дуржагъралгу, инсантурал ва щяйтІантрал дуцІинтІссар арулла зиву дуссар.

Цува ляхъан Увманан щаллуну икрам буллан ччисса гъарца бусурманчуннан чара бакъа цана хІакъсса устаз лякъин аьркинссар, ва ганачІату вирдгу ласун аьркинссар. Акъарив, инсаннаща тІачІав Аллагънаха къуллугъ буллалавриву марцІшиврул даражалийн иян къахъунтІссар. Амма, цаппара инсантал буссар шейх акъанагу жуццавагу хъунссар гъарзад дуван, тІисса.

«Аллагънайн мукІрумур ягу

Иблислуйн мютІиймур?»

ХъунмурчІин му къатІайласса ишри. Мйжаннугу, миннаща хъунтІссар ччиссаксса Аллагънал ца кІицІ дуллан, салават рутлан, амма, хъунмурчІин, мукун тІисса инсантурал я салават, я зикри къабуккайссар. Мий буклакиманан та-унугу устаз лякъайссар. Мунийн бувну, хІакъсса ххуллу ккаккан бансса шейх цуксса ччяни лявкъурив, муксса ххисаласса талихІ бикІайссар дунияллий ва ахиратраву. Ххуйсса дуартту дуклан ивкІукун, Аллагъу Тааьла дакІнин утлан ивкІукун (ва ишираву хъами личІинува ххисаласса бикІай) га Аллагънаха къуллугъ буллалавриву шачІунтІтайх лавай анаварну гъаз хъанахъиссар. Амма апатІран кунма, ганащал щяйтІангу лахъ хъанай буссар, Иман дирхъусса инсан душманнан ккалли увну, га цила буллусса махъ бацІан буллай буссар, ссаячІав махъунмай къахъунтІссар. ЩяйтІаннул мурад – жува мий шачІантІя экъи личинни. Жува цуксса лахъну лавхъурув, мукссава гужну цІунгу хъунссар багъукун, му физикалул закон дур. Мунийн бувну, щяйтІаннун жува бюхъайссаксса лахъну



гъаз хъуну ччиссар. Бусалалийн бувну, щяйтІаннул урцІаллий урчІра давриву кумаг байсса бур, ттуршулчинмуниву хъяврин аншиврул. Инсан кумаг банма архІал акъа, му жапасса эбадатрал ххуллийн уккарча, бюхъай хъунмасса апатІрахъхъун ириян. Му чІумал, мунал чІарав цуцІав къалякъинссар, инсаннал душман – щяйтІаннун ххасал ансса.

ЩяйтІан бакъассагу, инсаннал нафс муниргу нигъачІаву дусса ганал душманни. Нафс – дакІнил хъуншиву, пахру, цаяра ххуйсса цуцІав акъасар тІутІавури. Ттухва бурувгун, му хъанничІа гъарзану дикІайхъунссар тІийра. Жува шейхначІан бувкІсса чІумал, жула нафс гъаттараха лархъхъуссар. Гъарца жула балардал тахсир цайминнай буссар тІссар, цува яла ххуйма хъанахъиссар. Укунсса нафсиращал жува литІурча, кІу хъусса жула рухІ малаиктурал ссавруннил къапурдачІан бюхъай гъаз къадувангу. Буруччиннав, га, бунагъчІтурал рухІру дикІайнин дагъантІссар.

Жува ва дунияллийн бувкІсса чІумал, жула рухІ чаннасса чирахъраха лархъхъуссар. Оьрму наниссаксса, му чирахърайх лухІисса ттангъри дуллай, кІу дакълай дур. Агарда, га жула чурх кунма, ягу чапалсса янна марцІ дайсса кунна чІун-чІумуй дакІ марцІ къадуларча, бивкІуллул малаик Азраил рухІирал хъирив увкІний, мунал га чапалну лякъинтІссар.

Мунийн бувну, жула гъаттарал кунмасса нафс, Аллагънаха къуллугъ булланшиврул марцІ бан аьркинссар. Ва иширавугу учитель аьркинссар. Учитель акъа, щичащІав устар хъун, янна дуруххайсса дарзи хъун, хІакин хъун къашайссар. Аллагънаха къуллугъ буллан ччиманангу аьркинссар учитель. Мукунсса учительгу суфийтурал шейх хъанахъиссар. Цана устаз лявкъума, хІакъсса талихІ бумари. Гъарзад цила чІумал дурмур хъинссар: чак баву, цар шаву, оьрчІ баву, тІарикъатрал ххулийх ачаву.

(Гухунмайгу буссар)

ШАРИАТ

Шамулчинмур хъун бунагъ

Шамулчинмур хъун бунагъ - бурсурманчувнал хъус дацавури. Цукунчлав му ларсун дукал ххуллу бакъассар. Ласурчагу залунначлан кѳура даен дан ялувссар, цурда духурча. Дахъахурча - мунил лахъаврин цамур дулунссар. Му дацаврия пашман хъуну тавба дангу ялувссар. Къадурна ивчарча, мугу кѳура даен къадарча, Къияматсса къини мунал динналия ласунтиссар. Царал бюрхлу дарвачрахун бувтун изангу антиссар.

Му цурк байсса инсаннал ризкѳилу, оърмулу, хъусливу барачат къабиклайссар. Цуркил къаму бакѳавхъуссар, къуцури къабувцѳуссар, мунал сипатраву нур къадиклайссар, диндалуя хайр бакъассар, Идавсил шафаатрая махрумссар. Хлатта му цурк байсса чѳумал, му муъминчувну къаиклайссар, иман дуккайссар.

«Цурку цуркушиву дуллалини, муъминчувну къаиклайссар». Идавсил хладис

Утти му цурк бувшиву исбат хъусса инсанналгу балугъ хъусса ухурча, ка къукъин ялувссар, му дарцусса хъус ашрапийлул мукъра бутѳул ца бутѳаксса духурча. Хъхъичѳа-хъхъичѳи цурк бувкун, мунил хлаттиран (танмихѳран) урчѳамур ка къукъинссар. Ялагу бувкун киямур ччан къукъинссар. Ялагу барча киямур ка къукъинссар. Ялагу булларча, мунил лавхъхъусса таъзирду булунсар.



Му цурк куммасса хъун бунагъри, ка къукъин ялув къахурчагу, бурсурманчувнал хъус зерхуну, хлакъ бакъана, зулмулий, гужрай ларсун дукаву. Мукунна аманатран хиянатшиву дурну му тѳайла бацѳан къабавугу. Лаялий ларсѳсса зад цанна тамахѳи бувну ритавугу. Мукунна цайми ихтияр дуллусса суратраву хиянатшиву даву. Хлатта бурсурмантурал канихъсса чапурчувнангу къаданссар, ялунгу оѳссар. Му кѳура даен дангу ялувссар залунначлан.

Мукун хиянатшиву дарча чансса хѳараммунил чѳарусса хѳалалмур гѳалак дайсса кунна, муналгу цалла думунияту барачат яла гъан байссар. Цал ца шагѳилу хиянатшиву дарча, кѳилчин щѳайтѳаннул азарва шагѳилу хиянатшиву даврин клункѳу айссар. Мунафѳикъшиврул аъламатирттал цари аманатран хиянатшиву даву.


Ца инсан ивкѳуну мукъах, кѳавккун ур макѳра. Цѳувххуну бур ганахъ:- «Ци кѳавккун вин?»-куну. «На багъишла ивтунна. Амма на гъаттаву ивхъукун тѳул гъав царал бувцѳуна, ва тѳуйх кѳива мархъ бивщунна». На цѳувххуссия - «Ссахлунури ми тѳуйх бивщусса» - куну. Ца бивщуссар зулмукарнал зарал буллалисса инсаннал чѳарах, кумаг къабувна лавгуну тѳий, цагу-ххалаххи лавсун махъунмай занна къабувну тѳий» - увкуна тѳухъ.

ИХИСАН

Усттазтурал, машаихтурал, авлияътурал ххирашивуртту

1V Яла Аллагъналгу увкуссар: - «Зуя Дуниял, я Ахират ихтияр къадурну на ихтияр увунна. Нагу зу увкумур кѳивану къабувну цану битанна. Зу чѳа увкумунингу жаваб дулаванна. Зу Дунияллий халкъуннал хѳухчалтнугу бикѳантиссару, Ахиратлувугу ми Алжаннавун хъирир лахѳайминугу бикѳантиссару» - куну. Яла мий мукун увкусса рухѳирттаяту

му иклайссар. Гъарцаннал рухѳи ласайни мунал карав бакѳи дирхъуну, цѳимилийнури ласайсса. Муксса хъинбала мунаяту бакъахурча, му яла усттазри тѳий, усттазшиврун угъан аъркин бакъассар. Муксса кѳулшиву дакъасса шейхналгу усттазра тѳий, муридтал бувгъуну миннахъхъун вирд дуллангу аъркин бакъассар. Хласил, хлакъсса шейхнал



Дунияллин бувккун усттазтал, шейхтал хъуссар. Утти, ми Дуниялгу, Ахиратгу ихтияр дурми, рухѳиру чантѳи увкуну увкуссар, - «Усттазтурал Аллагъ чѳишиву ихтияр дурунни, му жушѳава къавхъунни. Утти жувагу миннал ссимиалу бувгъуну, миннацѳун лавчѳун, ми усттазталну бугъанну, миннайну Аллагъначлан биян» - куну. Цаппара миннацѳун лавчѳуссар миннаятугу Дунияллин бувккун муридтал хъуну, усттазтал бувгъуну, миннайну хлакъмунин тѳайла бавцѳуссар. Мий шайхтурал, усттазтурал даражагу Аллагъначѳа хъинну хъуниссар. Идавстурал даражалул хъирир миннал даража буссар. Идавстал аъмну аъвамтурайн(цинѳав халкъунначлан) тѳайла бувссар. Валийтал хасну хавастурайн тѳайла бувссар. Валийтал Аллагънал нахѳу къанкъри, Мунал лухччинийсса. Сиддийкѳинтурал му къункъайн ссунта тѳий, му къанкъ миннал дакѳиницилай, мунину Аллагънахъсса шавкъ зияда (чѳяру) хъанай, эбадат ххишала хъанахъиссар. Миннаву кашфурду, караматшиву дикѳайшивугу хлакъссар. Къюлтѳсса, сиррийсса задру кѳул хъанахъиссар. Цайминнал яруннин ххал шаймур миннал дакѳурдин ххал шайссар.

Хласил, Аллагънал мий щѳайхтал бувссавагу халкъуннан маслихатранни, миннал дуаълухъхъун жаваб дуллуну халкъуннай цѳими бан, миннал барачат биян. Халкъ бурувчѳуссавагу миннал дуаълыйнури. Хлатта, миннал ци дуаъл дарчагу Аллагънал миннахъхъун жаваб дулайссар. Жаваб дулайшиву миннан цаннагу кѳулссар. Амма минналгу дуаъл къадайссар, Аллагънал изну бакъана, Дуниял, халкъ царал ччучлай бухурчагу.

Хлатта, ца щѳайхнал азара мюрид ухурча, азарагу личи-личисса кланай, ми цинѳавпагу ца ссѳятраву литѳурча, миннал гъарцанначѳа

цала мурид ивкѳуну гъаттаву ивхъуну, муначѳа авцѳуну, мунахлу Мункар - Накирнал мунахъ буллалисса суаллахъхъун жаваб дулайссар. Мунир махъгу Къияматсса къини Аллагъналгу, Идавсилгу г хъхъичѳи ацѳаннин, хѳисав - суалданичѳа Ссиратѳи - Мизандалучѳа гъарца нигъаяту имин уллай, аъзабрая ххассал уллай личи къашайссар, Алжаннавун ухханнин. Ялагу миннал ххирашиву, ца щѳейх ачирча ца ссапарданий, му нанисса ххуллий бурсурмантурал хлатталугу духурча, му хлатталлил агъулданул рухѳиру му учѳаннин ца шинал хъхъичѳра, му нанишиву кѳул хъуну цалва - цалва кѳялазурттай дацѳайссар, мунах ялугълай, му цацѳана ивну, цахара дуаъл дурну, цивппа аъзабрая къуртал банссару тѳий, хъулданий. Яла мунал дуаълыйну къурталгу шайссар. Мукун цивппагу ххассал хъусса, цацѳунма лавчѳмигу ххассал байсса халкъри валийтал. Мий кѳицѳи лавгтари цѳимигу ликкайссар. Миннацѳал гъалмахчѳувшиву дурма саламатрайнгу уккайссар. Минначѳа щѳа ивкѳма, Аллагъначѳа щѳа ивкѳма кунассар. (Ванил тѳиссар, гайннал чѳарав ума, Аллагъначлан гъанну икѳантиссар, цанчирчан, гайцѳивппагу Аллагъначлан гъансса буну тѳий). Миннал ссимиалу бувгъума, миннал хъирир ми бувхнингу уххантиссар. Миннал я Дунияллий, я Ахиратлуву пашман шавугу дакъассар.

Амма, ва ахир гъансса заманнавурив, мукунсса шейхталгу, валиталгучанссар. Бумийгу, чѳявуми, къюлтѳну кѳул къахъанахъиссар. Шейхталлу тѳимигу, цанма-цѳивппа шейхтал ххай, чѳявуми хъяврин хъуну, Раббанисса билаятраятугу, рувхѳанийсса караматраятугу, Расулуллагънал варасатраятугу махѳрумну, мяъзулну (личий хъуну), макъаматирттайнгу къалавхъун, макъасидругу хласул къавхъуну личѳайссар.

ХИРАШ

Хлакъсса бурсурманчув - я мукъуйну, я тѳуллайну лагма-ялттуминнан зарал биян къабаймари.

ДУАЪРТТУ

Къув-аъс тѳийни уча:

سُبْحَانَ الَّذِي يُسَبِّحُ الرَّعْدُ بِحَمْدِهِ وَ الْمَلَائِكَةُ مِنْ خِيفَتِهِ

Субхѳана-л-лязи юсаббиху-р-раъду бихѳамдигъи валь-малайкату мин хѳифатигъи.

Дардирайсса инсан ххал хъуний уча:

الْحَمْدُ لِلَّهِ الَّذِي عَفَا عَنِّي مِمَّا بَدَّلَكَ بِهِ وَ فَضَّلَنِي عَلَى كَثِيرٍ مِّمَّنْ خَلَقَ تَفْضِيلًا

Альхѳамдуллилляги-л-лязи аъфаний мимма ибталаяка бигъи ва фаззалайний аъля касирин мимман халѳякъа тафзѳилян.

Турлу дирхъуний, ягу ссавний ккаркний уча:

اللَّهُمَّ إِنِّي أَعُوذُ بِكَ مِنْ شَرِّهَا

Аллагъумма инний аоъзу бика мин шарригъа.

Гъарал лачѳлачѳиний уча:

اللَّهُمَّ صَيِّبًا نَافِعًا

Аллагъумма саййибан наѳиаън.

Бала-мусибат бивний уча:

إِنَّا لِلَّهِ وَإِنَّا إِلَيْهِ رَاجِعُونَ. اللَّهُمَّ أَجِرْنِي فِي مُصِيبَتِي وَ أَخْلِفْ لِي خَيْرًا مِنْهَا

Инна ли-л-ляги ва инна илѳийгираджиоън. Аллагъумма ажирний фий мусибатий ва ахѳиф лий хайран мингъа.

СУАЛ — ЖАВАБ

Къашавайни, хъугъу бахчуну бухурчан, чак зия шайссарив?

Агана чаклил члун дай-дирхуну къуртал хъунца бухъалаглагисса хъугъу бахчуну бухурчан, мукунсса хъугъулл чак зия къабайссар. Агана клулу бухурча чаклил

члун дайдирхуну къуртал хъунца, хъугъу къатий чак буллан бюхъансса, му члумал бугъаншиврул махъун бутан аьркинссар.

Амма чявуми аьлимтал тлий бур махъун-хъьичлун къабувтун цила члумал чак буван аьркиншиву.

Хъаннил барт ка ссюрхъирачлан дияннин члалай духурчан, чак зия шайссарив?

Хъаннил чак байни лажин ва барт кару личаннин, щалва чурх бахълавгун биклан аьркинссар,. Чурх клучл байсса янна диклан аьркинссар, чани ита къабакъайсса, базу ххал къахъунсса. Арамтурал ва хъаннил чурх (аьврат) клучлну биклан аьркинссар ялатугу, чуллахагу, лувату лавай хисав

къабувну. Масала, чак буллалани хъунмасса гьартасса хъу бусса гъухъуву, рукнулий къус ивкисса члумал, аьврат члалачикун, му чак зияссар, му клану члалан бивклун мукъах.

Агана хъаннил чак буллаланий, бартка чулуха, ягу ялату чакливу кару гъаздурний члалай духурча, му члумал му чак зия хъанахъиссар. Каххуравухчин барт ка члалай духурчан, кару яларайсса члумал чак зия къашайссар.

Чак баву хлакьссарив, ххарци-зарал хъуну, оьтту най къабацллай бухурчан?

Щавулия бувкусса оь нажас къахъанахъиссар, чявусса буккарчагума, агана ми щинавун ягу цамур базулийн къабагъарчан. Чявусса оь буклай бухурчан чак къахисавссар, чансса буклай бухурчан чак хисавссар.



Хъаннил лунтту бакл башаву, фарзрив ягу суннатрив?

Хъаннин буржссар, чара бакъа аьркинссар чакливугу, халкъ бусса кланайгу щалва чурх янналуву клучлну биклаву, лажин ва каруннил клисри личаннин, мукунма чансса бухурчагу лунтту баклгу клучл баву: карщул ягу хиджабрал лунтту бакл чансса бунугу клучл буван аьркинссар.

Цукунсса духурчагу уксус хлалалссарив?

Агана чяхир, ягу муниха лархъхъусса цамур хлаллия уксусрайн клура дарну духурчан, цаму цичлар хлалагу къадурну, цайнура-цирда, му марциссар, ишла дан бучиссар.

Амма, уксус хъуну духурчан чяхирданувун ци дунугу хлала дурну (чимус, дрожжи) му члумал уксус чапалссар, хлалал дакъассар цан чирчан, цурда чяхир дур наджас яла гивун хлала дурсса дрожжигу хъанай дур наджас, яла клура даллай дур уксусрайн, гивун хлала дурсса дрожжилул уксус клура даен дуллай дур наджасрайн.

Зумма цлуххин ччисса, Исламрацлун, шариаьтрацлун, кулпатрал багъу – бизулуцлун бавхлусса ва м.ц. суаллу гъан бан бюхъайссар, SMS – райхчин ва номерданийн: 8-988-699-46-79

ККАЗИТРАЛ СУАЛ

Кулпатрал дяниву яла агъаммур цири?

Кулпатраву яла агъаммур хъанай бур нитти-буттах, хъуниминнах вичли дишаву, миннал увкумур баву.

8-964...58

Ттул пикрилий, кулпатрал аслу-гъануну биклан аьркинни хлурмат, вихшала ва ччаву. Мий духурча жуява Аллагъ рязийну иклантиссар.

8-928...78

Исламрал ххуллийх бачаву – так, ца мунилли хлакьсса талихлрайн биян байсса.

8-988...80

Ттул пикрилий, кулпатраву ласнал ва шарнил дянив диклан аьркинни цаннин – ца бувчлаву, вихшала дишаву. Мукунна, щарссагу ласнах вичли дирхъусса диклан аькинни.

8-988...40

Ласнал ва щарссанил дянив, дин душиврул, хъунмаса клану бугълай бур. На чак буллай байгу бивхъуну, Исламрайн бувну яннагу лахлан бивккун, ттул ласгу чак буллан ивкунни, къатлуву барачатгу бур, кулпат цлакь хъунни, куннан - ку бувчлаву ххи хъунни. Альхлалдуллиллагъ.

8-928...81

Кулпатраву яла агъаммур хъанай бур щарссанил мютийшиву, ласначансса хлурмат. Ласрив иклан аьркинссар яхланамус бусса, бусравсса.

8-928...32

Ссавур! Имам Абу Хланифал увкуссар: «Щарсса дуциннин хъьичл члан дакъасса



дарваг хладур бува, гивун щарссанил диялдакъашивуртту дичланшиврул». Аллагъналкумаг баннав цинявпагу уссурваван ва ссурваван кунначан – ку ссавурданий, бавкъуну яхъун.

8-903...83

Кулпатраву яла агъаммур хъанай бур куннан – ку бувчлаву. Гъарзад мунийри дарцлусса, ччавугу муния архну дакъассар.


8-928...57

Кулпатраву яла агъаммур му дур цаннищал – ца лас – шар нахлуну биклаву.

8-988...04

Ттул пикрилий, лас ва шар тларикъатраву бухурча, миннал кулпатрайн шейхтурал барачатгу биянтиссар.

8-988...77



ДАГЕСТАНСКИЙ ИСЛАМСКИЙ УНИВЕРСИТЕТ И МЕДРЕСЕ ИМЕНИ ШЕЙХА МУХАММАД-АРИФА

Объявляют прием абитуриентов на очередной 10/2009 учебный год

Обучение предназначено для получения целостных знаний о религии и подготовки специалистов со средним и высшим профессиональным религиозным образованием.

ПРОДОЛЖИТЕЛЬНОСТЬ ОБУЧЕНИЯ:

- ✓ в Дагестанском исламском университете – 6 лет, включая один год на подготовительном отделении;
- ✓ в медресе – 3 года.

В университет принимаются юноши и девушки, имеющие среднее полное общее образование, **в медресе** – имеющие основное общее образование.

ПЕРЕЧЕНЬ ДОКУМЕНТОВ:

- ✓ нотариальная копия документа об образовании;
- ✓ копия паспорта – 2 шт.;
- ✓ фотокарточки размером 3x4 в количестве пяти штук;
- ✓ медицинская справка Ф 086;
- ✓ прививочный сертификат Ф 156/у93-;
- ✓ рекомендация от преподавателя религиозного обучения либо от руководителя мечети (имамата), расположенной по месту жительства абитуриента.

Прием документов с 1 июня.

Наш адрес: г. Махачкала, ул. Добролюбова, 16 Е
тел.: **96-84-559-928-8**

Рузнама

ИЮЛЬ

Дни	Утренний. Ас-Субхл	Восход	Обеденный Аз-Зугьр	Послеобеден. Аль-Гаср	Вечерний Аль-Магъриб	Ночной Аль-Гишаъ
1	2,03	0,10	12,03	16,06	20,34	22,23
2	2,03	0,10	12,03	16,06	20,34	22,23
3	2,00	0,16	12,03	16,06	20,33	21,31
4	2,08	0,18	12,04	16,07	20,32	22,30
5	2,01	0,18	12,04	16,07	20,31	22,29
6	2,03	0,20	12,00	16,07	20,30	22,28
7	2,07	0,21	12,00	16,07	20,29	22,26
8	2,09	0,22	12,00	16,06	20,28	22,24
9	2,11	0,24	12,00	16,06	20,26	22,22
10	2,14	0,26	12,00	16,06	20,25	22,20
11	2,17	0,27	12,00	16,06	20,23	22,16
12	2,19	0,29	12,00	16,00	20,23	22,14
13	2,23	0,31	12,00	16,00	20,21	22,10
14	2,26	0,32	12,00	16,04	20,20	22,07
15	2,30	0,34	12,00	16,03	20,18	22,03
16	2,34	0,36	12,00	16,03	20,15	22,00

Зунттал районнай чак байссар 15 минутрал члалну.

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Главный редактор
Патимат ГАМЗАТОВА

Редактор
Сайфулла МАГОМЕДАЛИЕВ

Канонический редактор
Гасан МАГОМЕДОВ

Корреспондент
Гумаюн КАЛЛАЕВА

Менеджер
Мухаммад ХИРИЯСУЛАЕВ
Халидасхаб МАМАТХАНОВ

Компьютерная группа
Асият ХАНОВА
Ахмад МАГОМЕДОВ
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)
Свидетельство о регистрации ПИ № ФС 10-6401 от 15 декабря 2006 г.

При перепечатке ссылка обязательна. Набрано и сверстано на компьютерной базе газеты «Ассалам».
Отпечатано в ООО «Дом печати» по адресу: пр-т Акушинского, 20

Заказ № _____
Тираж 2700 экз.

Сдано в печать 24 июня 2009 г.

Адрес редакции
367015, РД, г. Махачкала, пр-т М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: info@assalam.ru;
www.assalam.ru

Индекс 51390